

廟黃旗漢軍勳臣傳 卷八

百十一



八旗通志初集卷之二百十八

勲臣傳十八

鑲黃旗漢軍世職官

方得勝 趙宗科

藺繼友 楊名聲

高尚義 劉文高

聶仲金

王國昇 唐國政

郎廷樞

張遇恩

傅大受

裴登寬

馬呈正 弟之子 馬登魁 子 澤清

石調聲

田啟賢



劉其芳

楊世隆李正乾齊建

盧國志見名臣盧崇峻傳下同

盧延祚

正黃旗漢軍世職官

李獻箴祖李如梧子李向克李向日李向舜

張成德子張所養 蔣成良

黃雲龍 單叁

劉文進楊松李武 趙民法袁富龍李良棟

秦國政楊燾

馬成 馬自德賈登元李起龍

尚安祿見忠烈尚安福傳

正白旗漢軍世職官

何智機理子拜音達 劉惟國

祖邦武 張元勳

王仲善 綠應琦

夏國柱 王棟

祖雲龍 李文玉子李國瑞

劉芳名 稗音達理

陳養忠 裴有聲

趙成龍 子趙台星

錢有昇

馬顏

龔爾璞

謝永成

蔡瑜

正紅旗漢軍世職官

門世科 兄子門可貴

劉涵英 汪成功

吳國元 李汝通

岑貳 孫岑正朝

韓宗寶 魯重明 郭維秀

魯之道

吳裕 見名臣吳世俊傳下同

吳雲龍

方得勝。漢軍鑲黃旗人。原係明大凌河都司。天

聰五年。我兵圍大凌河城。破。同總兵祖大壽率

衆投誠。授牛泉章京。世職。崇德七年。八旗設立

佐領。將大凌河來歸人員。另編一佐領。以得勝

管理。八年。從鄭親王濟爾哈朗。征明。攻前屯衛

中後所二城。率所部兵督火礮進攻。克之。以功

加半個前程。順治七年。遇

恩詔。加為三等阿達哈哈番。同旗有趙宗科者。係明朝

大凌河守備。亦於天聰五年。隨祖大壽率衆投

誠授渾托和章京。順治元年以軍功授牛录章京。世職累陞鑲紅旗副都統。康熙元年授江寧總兵官。

張遇恩。漢軍鑲黃旗人。天聰七年隨靖南王耿仲明航海歸誠。後從征高麗。攻明錦州松山杏山等處。皆隨耿仲明征討有功。崇德元年授三等甲喇章京。世職。准襲七次。順治元年隨耿仲明征勦湖廣廣東等處。七年卒於江西之吉安府。

蘭繼友。漢軍鑲黃旗人。崇德三年大兵征五里河臺。繼友率兵民二百二十人來歸。即將投誠人內賞給五十名。七年管牛录事。八年隨鄭親王濟爾哈朗征明。攻前屯衛中後所。督紅衣駁有功。授半個前程。世職。順治七年九年三遇

恩詔。加至三等阿達哈哈番。同旗有揚名聲者。初任包

衣牛录章京。順治元年四月隨睿王多爾袞入山海關。擊流賊。率包衣牛录兵力戰有功。授牛录章京。世職。

傅大受。漢軍鑲黃旗人。世居遼東。崇德六年。聚衆於石山站。時我師方圍錦州。尚未掘壕。一卒逃奔敵所。大受執殺之。并來報敵。兵將犯駱駝山。因遣兵往擊。盡殺之。以功授牛錄章京。世職。順治二年。從定國大將軍豫親王多鐸平定江南。督本旗紅衣礮。攻取揚州府城。又從貝勒博洛。征浙江湖州賊。黃蜚率衆出城來犯。三戰三敗之。七年。九年。

恩詔加世職為二等阿達哈哈番。十三年。從征浙江舟

山。偽總制陳六御。英毅伯阮思等。率兵二萬。船二百餘隻。列陣海上。督杭州駐防兵。奮擊敗之。以功加世職為一等阿達哈哈番。又加一拖沙喇哈番。

高尚義。漢軍鑲黃旗人。崇德七年。以分得撥什庫。從征明松山。掘壕困城。城中兵。夜犯壕。塹。隨大兵擊敗之。取塔山。杏山。前屯衛中後所諸處。皆督紅衣礮。攻擊有功。授半個前程。順治元年。從固山額真葉臣等。征山西太原城。克之。七年。

九年三遇

恩詔加世職為三等阿達哈哈番。康熙十五年從征福建逆藩耿精忠。用火礮攻取建寧府。同安縣。平和縣。石梅所。四城。加世職為二等阿達哈哈番。同旗有劉文高者。初任牛泉章京。崇德八年從證明克前屯衛中後所二城。俱在行間有功。授半個前程。順治七年遇

恩詔加為拜他喇布勒哈番。

裴登寬。漢軍鑲黃旗人。崇德八年以牛泉章京

從鄭親王濟爾哈朗證明。督放紅衣礮。攻取中後所。前屯衛二城。授半個前程。順治二年從征山西。攻克太原城。又同固山額真劉之源。追獲流賊馬總兵船隻。六年從征叛鎮姜瓖。圍大同府。攻取五城。俱在行間有功。加一拖沙喇哈番。七年九年三遇

恩詔累加至二等阿達哈哈番。十四年卒。子應虎襲父

世職。康熙十三年隨鎮西將軍席卜臣往陝西漢中府。征勦叛提督王輔臣。賊將王屏藩。譚洪

率賊數千。設土圍鹿角。拒戰於漢中之猴子嶺。應虎率本旗兵擊敗之。又敗偽將軍劉慶成。精騎數千。偽總兵陳奉煥。逆戰於張前湖營。應虎率兵奮擊。譚洪擁衆自中家營來援。力戰敗之。又敗偽總兵楊應芳於溝家營。十八年四月。自漢中府回。至擂鼓臺山下。王譚二賊率二萬餘衆來犯。應虎力戰陣亡。加贈世職為一等阿達哈哈番。又一拖沙喇哈番。以其子裴弘道襲。聶仲金。漢軍鑲黃旗人。初任牛永章京。順治二年。隨豫親王多鐸南征。攻武岡寨。揚州府。嘉興府。江陰縣。四城。並在事督餉有功。授半個前程。七年九年三遇。

恩詔加

至三等阿達哈哈番。十一年。隨靖南將軍朱瑪

喇征勦廣東。破偽安西王李定國。于新會縣山左。又破其象陣於山谷內。並在行間有功。加世職為二等阿達哈哈番。

馬呈正。漢軍鑲黃旗人。初任牛永章京。順治六年。隨大兵征叛鎮姜瓖。圍大同。督紅衣餉。攻取

五城有功。授拖沙喇哈番。屢遇

恩詔。加為拜他喇布勒哈番。加一拖沙喇哈番。准襲三

次。康熙八年病故。以弟之子馬登魁襲。二十年。

從征南大將軍賴塔。征逆孽吳世璠。連敗偽將

軍何繼祖等兵。於石門坎黃草壩。直至雲南省

城下。會同三路大兵。敗偽將軍胡國秉等。以功

加世職為三等阿達哈哈番。准再襲三次。同旗

有子澤清者。其父于大鵬。為明朝末弁。順治二

年。隨左夢庚來歸。授拖沙喇哈番。康熙九年。以

年老。將職與澤清承襲。二十年。澤清隨征南大

將軍賴塔。征逆孽吳世璠。平雲南有功。加世職

為拜他喇布勒哈番。

王國昇。漢軍鑲黃旗人。順治六年。管叅領事。從

征山西叛鎮姜瓖。督紅衣礮。克朔州。汾州。及太

谷縣。十年。從征湖南。擊偽秦王孫可望。十五年。

復從征貴州。由水路回兵。至江南。海逆鄭成功

犯江寧。國昇隨大兵。敗賊有功。授拜他喇布勒

哈番。同旗有唐國政者。初任牛泉章京。亦以順

治六年。從征大同。叛鎮姜瓖。督放紅衣礮有功。十六年。亦從征貴州。回兵至江寧。協同本地官兵。破海寇鄭成功。尋議叙。授拖沙喇哈番。

石調聲。漢軍鑲黃旗人。順治十一年。以牛录章京街。從征廣東。隨靖南將軍朱瑪喇。破偽安西。

王李定國。得授拖沙喇哈番世職。陞甲喇章京。

駐防福建。以固山大調。駐蘇州。康熙四年。撤蘇州駐防兵。回京。補授叅領。八年。降佐領。十年。授杭州副都統。十三年。逆藩耿精忠叛。同正紅旗。

副都統鄂申。巴圖魯。禦賊于江山縣。與賊將馬九玉對壘。調聲身被重傷。櫻城固守。糧盡三日。

棄城出。復隨平南將軍賴塔。敗賊於衢州府。恢復浦江義烏等縣。延塘一帶村落。悉皆蕩平。凡

殺賊三萬九千。生擒者數百。十五年。奉命大將

軍。康親王傑書。以其功大。題授浙江提督。進勦

福建。十九年。事平。回任。二十一年。部議失陷江

山事。革去世職。並革提督。

郎廷樞。字維垣。漢軍鑲黃旗人。山東巡撫。郎永

清長子。初補太學生。考授州同。康熙十二年冬。奸民楊起隆。詐稱朱三太子。糾黨謀叛。以紅帽裏為號。約於京城內外放火舉事。廷樞家人黃才等四人與焉。廷樞察知其事。具獲首告官兵。廣為搜捕。共獲賊數百人。廷樞以擒逆出首功。特給與二等阿達哈哈番世職。准襲五次。廷樞白兵部言。係候補州同。不敢濫膺此職。兵部奏聞。特旨以叅政道用。仍帶世職。准承襲。十九年。授陝西平

慶道。時逆黨王輔臣煽禍之後。陝以西民生凋瘵。餘盜標掠。白晝肆行。廷樞撫緝招徠。流亡歸業。勸農桑。緩催科。元氣漸復。屬吏有捕盜不獲者。見良民十餘人。佩刀馳驅。遂執之。因羅織成獄。廷樞廉得其狀。力為超豁。自是政聲藉甚。二十年。陞廣東按察使。甫赴任。舟次佛山。值大兵凱還。廷樞留七日。送大兵出境。然後抵任。受事後。剔弊除奸。冤獄疑案。立為讞決。未幾年。昭雪至三百餘事。粵地濱海。夙多伏莽。廷樞執盜魁

陳學進。置之典刑。開其餘黨。一時陷賊民人。全活無數。亂後。士多失業。廷樞曰。明刑所以弼教也。亟檄師儒。行月課季考。力加培養。粵中奸徒。多霸佔行市。據津渡。侵鹽法者。盡為釐剔。粵民尤苦夫役。抬運挽船。動以千百。悉革除之。有必用夫役者。悉從催募。先是官此土者。每因山寇。嘯聚。即行請兵。據報緝賊。名曰摘勦。併害良善。玉石不分。廷樞禁止之。臬司衙門。舊止設囹圄一處。罪無輕重。悉收其中。廷樞為捐俸。另造羈候一。所以待輕罪者。明年陞授廣東布政使。廷樞以藩司為錢穀重寄。凡徵收支放。無溢耗。無留難。禁止守令之私徵私派者。時海禁甚嚴。片板不得下洋。百姓戲於生計。是年例應入

覲。遂具疏請寬海禁。以利窮民。

詔從所請。粵人羣感嘆曰。吾儕得謀生之路矣。二十六年。以父卒於山東。訃音至。哀毀致疾。倉皇北歸。士民扳轅遮道。創祠立石。以紀功德。二十七年。病卒。子郎文煥。襲其世職。仕至叅將。

田啟賢。漢軍鑲黃旗人。初任分得撥什庫。康熙十三年冬。陝西提督王輔臣叛降於逆藩吳三桂。十四年八月。啟賢隨振武將軍佛尼勒擊敗顏姓二偽副將於滴水崖。又敗賊於平嶺地方。偽總兵石存禮等率賊七千。猱猱五百餘。自四川出棧道。連營七座。於益門鎮拒敵。啟賢隨副都統鄂泰進擊敗之。又敗賊衆四千。於仰天池山下。十五年。隨撫遠大將軍圖海敗王輔臣子王繼正兵於平涼城北護山墩。事平。叙功。授拖

沙喇哈番。三十九年卒。

劉其芳。漢軍鑲黃旗人。初其芳伯父劉君榮仕於明。隨左夢庚歸順。授拜他喇布勒哈番。康熙元年病故。子起漢襲。起漢卒。無子。其芳以親叔子得承襲。三十五年。從征厄魯特。隨撫遠大將軍伯費揚古軍。至昭莫多地方。奮勇擊賊有功。加一拖沙喇哈番。准再襲一次。五十年二月。補授京口副都統。

楊世隆。漢軍鑲黃旗人。初任驍騎校。康熙二十

年。從征南大將軍賴塔。征逆孽吳世璠。平定雲南。以功授拖沙喇哈番。准襲一次。三十五年。從撫遠大將軍伯費揚古。征厄魯特噶爾丹。由西路進戰有功。加世職為拜他喇布勒哈番。同旗有李正乾。齊建勳。張昌祐三人。並於康熙三十五年。以拖沙喇哈番章京銜。從征厄魯特。由西路進兵。破賊有功。授拖沙喇哈番。

右俱鑲黃旗漢軍世職官。

李猷箴。漢軍正黃旗人。祖李如梧。明寧遠伯李

成標子也。

國初。從明朝來歸。招集開原鐵嶺人戶。安插於鐵嶺城。論功。授遊擊。世職。病卒。猷箴襲牛泉章京世職。以擒獲間諜。追斬逋逃有功。加授為三等

甲喇章京。崇德八年。取明前屯衛時。以本甲喇紅衣礮攻城。克之。順治元年。隨定國大將軍豫親王多鐸。平定河南。二年。以本甲喇紅衣礮攻克武岡寨。揚州府。嘉興府。三城。論功。加世職為二等甲喇章京。七年。遇

恩詔加授為一等阿達哈哈番。以年老告休。少子色冷承襲世職。長子向克。順治元年任駐馬路叅將。五年山西逆鎮姜瓖叛。闔家七十餘口殉難。向克弟向舜。順治元年以署甲喇章京隨定國大將軍豫親王多鐸南征。督紅衣礮攻武岡寨。克其城。及攻揚州府。中礮歿於陣。贈世職半個。前程以其子林盛承襲。向舜弟向禹由貢生任山西陵川縣知縣。順治五年逆鎮姜瓖叛。向禹罵賊不屈。闔家殉難。十五年

特旨遣

順天府府尹羅繪錦致祭。贈山西按察司僉事。

廕其弟向旭以知縣職。向禹弟向日。順治八年

任步軍校。康熙十三年陞雲南曲靖府遊擊。十

四年隨提督李胡拜出征湖廣。被圍竭力守城。

至五月初七日城陷。罵賊不屈而死。十六年奉

旨遣禮部員外郎馬柰致祭。

賜銀七百兩。追贈叅將。廕其子李林祥為四品官。

張成德。漢軍正黃旗人。初任百總。以擒獲間諜。追殺逃人有功。授備禦世職。天聰五年隨大兵

取明大凌河。以礮克于子章。馬家湖。陳興堡。大凌河西。四臺。又同鄂本克。以礮擊敵。進攻。奪其纛。崇德元年。從征朝鮮。攻覺華島。以紅衣礮擊破敵船。二年。攻皮島。獲敵二戰艦。斬三十八人。超授三等甲喇章京。世職。是年。從征明。攻杏山附近臺堡。率本甲喇紅衣礮。攻克之。加世職為二等甲喇章京。七年。取前屯衛。攻中後所。克之。加世職為一等甲喇章京。病卒。子所養襲父職。順治七年。九年。三遇。

息詔加

至二等阿思哈尼哈番。十年。緣事降為一等阿達哈哈番。兼一拖沙喇哈番。仕至副都統。病卒。子張緯襲世職。至康熙二十四年。追叙張所養勞績。征湖南時。擊敗賊孫可望^馬。步兵於岔路口。又從征陝西。逆鎮王輔臣。擊敗王輔臣之子王繼正於平涼。復授三等阿思哈尼哈番。世襲罔替。

蔣成良。漢軍正黃旗人。原係明朝武官。天聰五年。大兵破大凌河時。隨明總兵官祖大壽來歸。

授備禦世職。崇德八年。從攻明中後所前屯衛二城。領紅衣礮克之。又加半個前程。順治七年。九年。三遇。

恩詔累加至一等阿達哈哈番。世襲罔替。以其子國柱承襲。

黃雲龍。漢軍正黃旗人。初為鬼虎堡撥什庫。天聰八年。陞管牛录章京事。後以增益壯丁二百六十五名。緝獲逃人四十七名。又於產鹽地方守臺。鼓勵臺軍。周濟貧乏。滿洲九年。中多著勞。

績。優授三等甲喇章京世職。世襲罔替。崇德八年。病卒。子黃宮襲職。

單參。漢軍正黃旗人。初管牛录章京事。順治元年。隨定國大將軍豫親王多鐸南征。攻武岡寨。及揚州府。俱以紅衣礮克之。五年。山西逆鎮姜瓖叛。單參從征。攻克大同左衛等處。九年。隨將軍墨爾根轄。征四川。駐師保寧府。偽撫南王劉文秀率賊五萬餘來犯。隨將軍出擊敗之。以功授拖沙喇哈番。病卒。子廷詔襲職。

劉文進。漢軍正黃旗人。初管牛录章京事。順治五年。從巽親王滿達海。征山西叛鎮姜瓖。經渾源州。左衛朔州。汾州府。太谷縣。五戰皆捷。九年。叙功。授拖沙喇哈番。又連遇

恩詔。累加至拜他喇布勒哈番。兼一拖沙喇哈番。仕至貴州總兵官。以疾卒於任。又同旗有楊松者。亦任牛录章京。以取前屯衛中後所軍功。授世職。半個前程。遇順治七年

恩詔。加授拜他喇布勒哈番。又李武者。亦以累立軍功。

得授拜他喇布勒哈番。十七年。出征雲南。卒於軍中。

趙民法。漢軍正黃旗人。康熙十四年。以守備從征福建海寇。恢復海壇。湄州。崇武。南日。平海。澳塗。泃州。浯尾。廈門。金門等處。並在事有功。授拖沙喇哈番。

秦國政。漢軍正黃旗人。叔父永福。初為明朝官。順治初。率兵來歸。授世職。二等甲喇章京。以疾卒。國政襲叔父職。康熙十八年。從征逆孽吳世

璠至廣西。敗偽將軍范齊韓。唐仰等。於陶屯。二十年。隨征南大將軍賴塔。進雲南。奪石門坎。黃草壩。直至雲南省城。平定逆孽。並在行間有功。二十五年。議叙。加世職。為一等阿達哈哈番。又一拖沙喇哈番。同旗。有楊燾者。初任佐領。亦以康熙二十年。隨征南大將軍賴塔。進征雲南。奪黃草壩。平定雲南。又隨都統希佛等。追敗偽將軍馬寶。巴養元。於武磨山。並在事有功。授拖沙喇哈番。又有原任阿思哈尼哈番品級官袁富。

龍。驍騎校李良棟。並以從征逆孽。吳世璠。由廣西。直至雲南。有功。各授拖沙喇哈番。

馬成。漢軍正黃旗人。父應瑞。係明朝官。同左夢庚來降。授拜他喇布勒哈番。成襲父職。康熙三十五年。從征厄魯特。噶爾丹。隨大將軍伯費揚古。由西路進剿。敗賊有功。由拜他喇布勒哈番。加一拖沙喇哈番。

馬自德。漢軍正黃旗人。父進忠。係明朝官。受偽桂王朱由榔勅封偽漢陽王。進忠卒。自德率所

屬來歸。授阿思哈尼哈番品級官。任火器營叅
領。陞副都統。康熙三十五年。同撫遠大將軍伯
費揚古。領兵征厄魯特。噶爾丹敗賊於昭莫多。
尋陞京口將軍。三十六年。議叙前功。授拖沙喇
哈番。是役也。同旗有賈登元者。以驍騎校從征。
亦在事有功。授拖沙喇哈番。又有李起龍者。父
鐸。任明朝。亦同左夢庚來降。授世職。拜他喇布
勒哈番。起龍襲父職。亦以康熙三十五年。從撫
遠大將軍伯費揚古。征厄魯特。噶爾丹由西路
進兵。敗賊於克魯倫河。叙功。加一拖沙喇哈番。
右俱正黃旗漢軍世職官員。
何智機。理漢軍正白旗人。原係明朝千總。天命
七年。大兵取廣寧時。隨石廷柱來降。旋從征囊
努格。斬殺三人。適

太祖高皇帝包衣下牧牛蒙古逃遁。何智機理同圖魯
什。追擊斬之。從征董夔。俘獲甚衆。天聰三年。征
明。至北京。差往薊州哨探。遇敵哨二人。殺之。又
敵兵三百來犯。獨奮勇直前。斬殺百搃一人。得

紀錄一次。天聰五年。從

太宗文皇帝。征明。取大凌河。進圍錦州。擊敵。爭先直入。斬殺敵兵。又敵兵來犯大凌河臺。奮勇殺人生擒一人。復用烏鎗擊殺敵兵。樵採一人。城內有兵出戰。我軍前執燾人忽隆壕。何智機理救起。携回。又攻繇斯障。率領十人。用烏鎗擊中三人。八年。叙功。為牛录章京。崇德三年。從揚威大將軍貝勒岳託。征明。至山東。率本固山兵。擊侯總兵。敗之。五年。大兵圍錦州。隨大兵進戰。連敗松山。杏山。馬步兵。七年。復圍錦州。同固山額真石廷柱。擊山嘴步兵。敗之。明經略洪承疇。兵自松山城。遁入高橋南三臺。同四固山兵。用紅衣礮攻克之。斬殺一百餘人。進攻塔山城。又同固山額真石廷柱。用紅衣礮克之。叙功。居二等。又攻杏山附近臺。及杏山城。俱用紅衣礮克之。論功。居一等。是年八月。加世職。半個前程。八年。從奉命大將軍貝勒阿巴泰。征明。擊牆子嶺城南山。結寨敵兵。敗之。是年。又隨大兵攻中後所前屯。

衛二城。督放所管紅衣礮有功。順治元年授世職為三等甲喇章京。三年十月疾卒。子霸圖襲。七年遇。

恩詔。加至二等阿達哈哈番。霸圖卒。以霸圖弟拜音達理襲。尋以世職駐防廣東。康熙十五年廣東提督嚴自明等叛。拜音達理率標員奮勇衝殺。砍斷鎖鑰。奪門而出事聞。

朝廷嘉之。授一等阿達哈哈番。三十八年疾卒。子何天培襲。仕至鎮海將軍。署理江蘇巡撫。

劉惟國。漢軍正白旗人。天聰初年從征。以擒獲明將遣來誘敵之人。又兩次遣往明將毛文龍處。俱能不違指授。八年叙功。授牛叅章京世職。崇德七年以年老乞休。以世職與弟之子承政襲。

祖邦武。漢軍正白旗人。本係明朝都司。天聰五年七月大軍圍大凌河。邦武隨明總兵祖大壽來降。授備禦世職。崇德八年大軍攻中後所前屯衛二城。邦武隨大兵督放所管紅衣礮克之。

順治元年。叙功。加半個前程。是年隨固山額真葉臣。往山西取太原府。仍督放紅衣礮。克其城。後隨大兵征勦流賊。擊敗黃河岸駐劄賊兵。又於延安府擊敗道中賊兵。三年。同固山額真巴彥。墨爾根。轄往西安府。擊賊渠帥孫可法。賀珍。及二隻虎等。俱敗之。又追敗賀珍兵於候止河。并擊敗偽將劉文炳兵。六年。從征大同叛鎮姜瓖。攻渾源州。左衛。朔州。汾州。太谷縣。五城。邦武。隨大軍督放本甲喇紅衣礮。克之。七年。

恩詔。加授世職。為三等阿達哈哈番。復以功。加授為二等阿達哈哈番。九年。二次。

恩詔。加至一等阿達哈哈番。兼一拖沙喇哈番。世襲罔替。年老乞休。以世職與孫光璽襲。

張元勳。漢軍正白旗人。崇德三年。襲其叔父大國職。為牛叅章京。順治元年。從定國大將軍豫親王多鐸。南征平定。河南。江南。取武岡山寨。揚州府。二城。二年。從貝勒博洛。取嘉興府。江陰縣。二城。俱有功。議叙。加半個前程。尋。兼任戶部員。

外郎。差往江寧管理織造。七年。

恩詔。加世職為三等阿達哈哈番。九年。

恩詔。加為二等阿達哈哈番。陞通政司知事。是年再遇。

恩詔。加為一等阿達哈哈番。遷甲喇章京。尋陞本旗梅。

勒章京。調京口副都統。緣事降世職為三等阿。

達哈哈番。以年老乞休。旋卒。

賜諭祭一次。

王仲善。漢軍正白旗人。初任分得撥什庫。崇德。

六年。圍錦州。仲善同甲喇章京屯代。擊明經畧。

洪承疇騎兵。敗之。七年。攻塔山杏山。仲善以督。

放紅衣礮。同大兵克其城。陞牛录章京。八年。隨。

鄭親王濟爾哈朗等。征寧遠。以督放紅衣礮。拔。

中後所前屯衛二城。順治元年。授半個前程。世。

職。七年。遇。

恩詔。加授世職為拜他喇布勒哈番。九年。遇。

恩詔。加一拖沙喇哈番。准襲三次。康熙五年。疾卒。孫愛。

民襲。

線應琦。漢軍正白旗人。原係明朝中軍官。崇德。

七年二月大兵圍松山城。應琦同夏成德率衆來歸。順治元年。叙功。授為三等甲喇章京。後豫親王多鐸南征。平定河南江南。時攻揚州嘉興二府。崑山常熟等縣。並督放所管紅衣礮。克其城。三年。叙功。授為二等甲喇章京。七年十月。

恩詔。加為一等甲喇章京。九年。兩遇。

恩詔。加至三等阿思哈尼哈番。十年五月疾卒。以其叔

父之子線應藻襲。

夏國柱。漢軍。止白旗人。初為明朝守備。崇德七

年二月。大軍圍困松山城。國柱同明副將夏成德來降。順治元年。授牛錄章京。世職。二年。同固山額真巴彥。墨爾根轄。征西安府。擊敗流賊賀珍。孫可法。馬步兵七萬餘。賀珍再集步兵。駐山上。拒敵。復領兵擊敗之。六年。擊敗流賊二隻虎。於烏撒城。又擊敗朔洛灣賊兵。是年隨睿王多爾袞。征姜瓖。攻渾源州。左衛。朔州。汾州。太谷縣。國柱同祖邦武等。督放紅衣礮。連克五城。以功。加三等阿達哈哈番。九年。兩次。

恩詔。累加至一等阿達哈哈番。世襲。因替。康熙二十四年九月。引年。以世職與子益襲。

王棟。漢軍正白旗人。初任牛泉章京。崇德七年四月。鄭親王濟爾哈朗等征塔山。棟隨四固山兵。用紅衣礮攻其近城臺。克之。遂取塔山城。隨引兵取杏山城。棟用所管紅衣礮。同大兵擊克之。八月。叙功。授半個前程。世職。八年。隨鄭親王征寧遠。以督放紅衣礮。同大兵攻克中後所前屯衛二城。順治元年。叙功。加授牛泉章京。世職。

二年十二月疾卒。子嗣德襲。

祖雲龍。漢軍正白旗人。初任牛泉章京。順治元年。大軍攻太原府。雲龍督放本甲喇紅衣礮。克其城。二年。隨大軍征流賊。遇延安府逃遁賊兵。擊敗之。六年。隨睿王多爾袞攻渾源州。左衛朔州。汾州府。太谷縣。五城。俱督放紅衣礮。克之。以功。授拖沙喇哈番。准襲一次。九年。兩遇。

恩詔。累加授拜他喇布勒哈番。兼一拖沙喇哈番。加襲二次。十二年三月疾卒。子光璞襲。

李文玉。漢軍正白旗人。初為分得撥什庫。順治元年。從大軍破流賊。至江南。攻嘉興。江陰。崑山。常熟。四城。文玉督放所管紅衣礮。克之。六年。征叛鎮姜瓖。攻山西渾源州。左衛朔州。汾州府。太原縣。五城。文玉督放紅衣礮。克之。以功。授拖沙喇哈番。准襲一次。九年。兩次。

恩詔。

加至拜他喇布勒哈番。兼一拖沙喇哈番。加襲二

次。十二年。從靖南將軍朱瑪喇。征廣東。偽晉王李定國。以步兵萬餘。踞新會縣之左山。拒敵。文

玉率本固山兵。隨大兵擊敗之。定國又以步兵四萬。於新會縣山峪內列陣拒敵。文玉復擊敗之。十三年。叙功。由拜他喇布勒哈番。加授三等阿達哈哈番。再加襲一次。康熙三年。疾卒。孫國瑞襲祖職。三十五年。國瑞從征厄魯特。噶爾丹道聞。

聖祖仁皇帝親征。已至克魯倫河。國瑞等激勵士卒。奮勇前進。隨大兵敗賊於昭莫多地方。以功。進二等阿達哈哈番。准襲四次。五十一年。病卒。削去。

恩詔所加世職。存拜他喇布勒哈番。以子廷棟襲。

劉芳名。漢軍正白旗人。原係明朝官來降。順治二年。從征浙江。擊殺流口賊首李才。招降其黨。平定象山縣。三年。寧夏兵變。逆賊王元。馬德。殺陝西巡撫焦安民為亂。時芳名為寧夏總兵官。方赴鞏昌勦賊。聞變。馳回寧夏。解散叛黨。安輯人民。生擒賊首王元。洪大誥斬之。其黨馬德。李大鶚。奔遁。四年七月。次第追擒。皆就戮。六年。同固山額真墨爾根轄。勦賊渠劉登樓等。賊潰奔榆林等處。芳名領兵追勦。擒斬登樓。榆林平。九年。論功。授二等阿達哈哈番。准襲五次。康熙元年。疾卒。子體仁襲。

裨音達禮。漢軍正白旗人。順治六年。以牛象章京。隨大軍征大同府。率兵擊敗賊衆。并克左衛朔州。澤州。汾州。府太谷縣諸城。授拜他喇布勒哈番。兼一拖沙喇哈番。康熙十七年。疾卒。子石文彥襲。

陳養忠。漢軍正白旗人。初任牛象章京。順治六

年。從征叛鎮姜瓖。攻左衛朔州汾州太谷等處。養忠用所管紅衣礮克其城。十年。征湖南。於岔路口。遇偽秦王孫可望馬步兵。養忠率本甲喇兵。隨大兵對陣。敗之。以功。授拖沙喇哈番。准襲一次。十一年。隨寧海大將軍宜爾德。往浙江。征舟山。偽英毅伯阮思率賊船百餘。於海上拒敵。養忠同梅勒章京柯永泰。乘戰艦擊敗之。又敗偽總制陳六御。偽英毅伯阮思。叛賊張洪德等。衆三萬餘於海上。十四年。叙功。加世職。為拜他。

喇布勒哈番。准再襲。二次。康熙二十八年五月。以老病休。子嘉策襲。

裴有聲。漢軍正白旗人。初任牛泉章京。順治十年。從貝勒屯齊。征湖南等處。著有功績。授拖沙喇哈番。十七年七月疾卒。子振隆襲。

趙成龍。漢軍正白旗人。初為分得撥什庫。順治十五年。從征貴州。有偽總兵羅大順。於十萬崎山擁賊兵拒戰。成龍率本旗兵連次擊敗之。十六年六月。凱還。由水路至江南。值海賊鄭成功。

等。陷鎮江瓜州。直犯江寧。賊兵三萬餘衆。登岸拒敵。成龍率本甲喇兵。同各路兵戰。敗之。又敗賊兵十萬餘於山上。十七年。叙功。授拖沙喇哈番。准襲一次。康熙十八年八月疾卒。子台星襲父職。康熙二十年。台星從征雲南吳逆。偽將軍何繼祖。王弘勳。王有功。張光先等。率賊衆二萬。在黃草壩拒敵。台星率本甲喇兵。隨征南大將軍賴塔擊敗之。隨進兵取雲南城。偽將軍胡國秉等。領賊萬餘。出城拒敵。復擊敗其衆。二十五年。由拖沙喇哈番。加一拖沙喇哈番。授拜他喇布勒哈番。准襲一次。二十八年六月疾卒。弟明星襲。

錢有昇。漢軍正白旗人。初為五品官。順治十六年。從征貴州。凱還。至江寧。值海寇鄭成功。陷鎮江瓜州。逼江寧。賊兵三萬餘人。由陸路來戰。有昇隨梅勒章京噶褚哈。率本甲喇兵敗之。又敗賊兵十萬餘於山上。康熙五年。駐防廣東。征勦逆賊蘇利。時蘇利下偽總兵于信。何尚子等擁

衆五千餘。於高峯石列陣拒戰。有昇領兵奮擊。賊敗走。復聚賊兵二千餘。於草尾林拒戰。擊敗之。又敗偽總兵陳彥鴻。賊兵於靖海所。康熙六年。叙功。授拖沙喇哈番。准襲一次。四十三年。疾卒。子秉忠襲。

馬顏。漢軍正白旗人。康熙十五年。以甲喇章京。從征陝西。叛提督王輔臣之子偽總兵王繼貞等。領馬步賊兵萬餘。於平涼城外迎戰。顏率本甲喇兵擊敗之。十七年。征湖廣。隨討逆將軍鄂

內等。泊船柳林嘴。君山兩處。偽將軍杜輝。巴養元。姜義等。擁二萬餘衆。乘船二百餘。向柳林嘴來犯。顏同大兵乘戰艦擊敗之。杜輝又乘船五十餘。擁衆萬餘。犯君山。顏同看守火藥營兵迎擊。斬獲甚衆。又敗杜輝等賊船二百餘。賊衆一萬五千餘。於鷺鷥口。二十年。隨大兵抵雲南。偽將軍胡國秉。劉起隆。黃明等。擁賊萬餘。出雲南城拒戰。顏領本甲喇兵隨大兵擊敗之。二十五年。疾卒。追叙功績。授拖沙喇哈番。子士進襲。再准

襲一次。

龔爾璞。漢軍正白旗人。康熙二十一年。授京口
驍騎校。二十三年。陞西安府防禦。三十五年。從
撫遠大將軍伯費揚古。由西路征厄魯特。噶爾
丹。擊敗賊衆於昭莫多。以功。授拖沙喇哈番。准
襲一次。四十二年。陞授西安府叅領。五十八年
疾卒。子祖培襲。

謝永成。漢軍正白旗人。康熙三十五年。以協領。
從撫遠大將軍伯費揚古。征厄魯特。噶爾丹。勵
衆奮勇。同大兵擊敗賊衆於昭莫多。以功。授拖
沙喇哈番。准襲一次。康熙四十六年。因年老乞
休。以兄之子文玉襲。

蔡瑜。漢軍正白旗人。以叅領。為礮營。夸蘭大。取
詔安藏。領官兵。深入險阻。盡收其地。雍正二年
十二月。授拖沙喇哈番。准襲一次。

右俱正白旗漢軍世職官員

門世科。漢軍正紅旗人。世居錦州地方。崇德四
年。大兵征錦州。世科密約五十人來降。事覺。為

明兵圍困。獨世科突圍出。遂來歸。

太宗文皇帝授以牛录章京世職。既卒。以凡子門可旌襲職。順治七年遇。

恩詔。加一拖沙喇哈番。可旌卒。弟可貴襲職。康熙十三年。可貴隨征逆藩耿精忠。至浙江開化縣。與賊戰於花堡地方。陣亡。十七年。議卹。加贈為三等阿達哈哈番。以其弟門可忠襲職。劉涵英。漢軍正紅旗人。崇德八年。隨鄭親王濟爾哈朗。征明。取前屯衛中後所。督放紅衣礮。克

城有功。授牛录章京世職。七年九年。三遇。

恩詔。加至二等阿達哈哈番。同旗有汪成功者。初任牛录章京。亦以崇德八年。隨征明。克中後所前屯衛二城有功。授半個前程世職。順治七年九年。三遇。

恩詔。加至三等阿達哈哈番。尋卒。子汪世臣襲父職。仕至廣東副都統。自有傳。

吳國元。漢軍正紅旗人。初任牛录章京。順治元年。隨豫親王多鐸。征江南。二年。隨貝勒博洛。往

定浙江。督放紅衣礮。攻金華府城。克之。六年。從睿王多爾袞。征大同。叛鎮姜瓖。督放紅衣礮。克渾源州。又隨巽親王滿達海。攻左衛朔州。汾州府。關廂。太谷縣等城。以功。授拖沙喇哈番。世職。七年。九年。三遇。

恩詔。加世職。至拜他喇布勒哈番。又一拖沙喇哈番。同

旗。有李汝通者。任分得撥什庫。亦以順治元年。從豫親王多鐸。南征。平定河南江南。督放紅衣礮。攻克六城。在事有功。六年。授拖沙喇哈番。世

職。七年。九年。三遇。

恩詔。加至三等阿達哈哈番。

岑貳。漢軍正紅旗人。順治十五年。以分得撥什庫。隨梅勒章京噶褚哈。征貴州。十六年。師旋至江南。適海賊鄭成功等。陷鎮江瓜洲。來犯江寧。岑貳隨凱旋將士。協同本地方官兵。擊敗海賊。追至鎮江。事平。以功。授拖沙喇哈番。世職。孫岑正朝襲。康熙三十五年。隨撫遠大將軍伯費揚古。征厄魯特。噶爾丹。由西路進兵。敗賊於昭莫。

多叙功。加一拖沙喇哈番。授為拜他喇布勒哈番。

韓宗寶。漢軍正紅旗人。康熙二十年。以佐領隨征南大將軍都統賴塔。由廣西進征逆孽吳世璠。破黃草壩。直抵雲南省城。會同三路大兵。平定雲南。二十五年。叙功。授拖沙喇哈番世職。同旗有魯重明者。亦於康熙二十年。以候補員外郎隨賴塔征逆孽吳世璠。破石門坎黃草壩等處。平定雲南。在事有功。二十五年。議叙。授拖沙

喇哈番世職。又有署章京郭維秀者。亦以是役。在行間有功。授拖沙喇哈番世職。

魯之道。漢軍正紅旗人。康熙三十五年。以拖沙喇哈番品級章京。隨撫遠大將軍伯費揚古。征厄魯特噶爾丹。由西路進兵。敗賊於昭莫多。三十六年。叙功。授拖沙喇哈番世職。

右俱正紅旗漢軍世職官員



13

